



অবিলম্বে প্রকাশের উদ্দেশ্যে: 5/25/2022

গভর্নর ক্যাথি হোকল

মেমোরিয়াল ডে উইকএন্ডের জন্য 3.2 মিলিয়ন ডলারের কক্সস্যাঙ্কি স্টেট বোট লঞ্চ ও রিভারসাইড পার্ক সংস্কারের কাজ যথাসময়ে সম্পন্ন হয়েছে বলে গভর্নর হোকলের ঘোষণা

পুনরুজ্জীবিত ওয়াটারফ্রন্ট পার্কটি গ্রিন কাউন্টি ভিলেজের চলমান নবায়ন কাজের পরিপূরক হিসেবে ভূমিকা রাখবে

নতুন নকশাকৃত হাডসন ইগলস রিক্রিয়েশন এরিয়া জলপথের অ্যাক্সেস ও অভিজ্ঞতা উন্নত করবে

গভর্নর ক্যাথি হোকল আজ গ্রিন কাউন্টির হাডসন নদীতে 3.2 মিলিয়ন ডলারের কক্সস্যাঙ্কি স্টেট বোট লঞ্চ (Coxsackie State Boat Launch) ও রিভারসাইড পার্ক সংস্কার প্রকল্পের নির্মাণকাজ সম্পন্ন হয়েছে বলে ঘোষণা করেছেন। মেমোরিয়াল ডে উইকএন্ডের জন্য যথাসময়ে খুলে যাওয়া স্টেট বোট লঞ্চ হাডসন ইগলস রিক্রিয়েশন এরিয়া (Hudson Eagles Recreation Area) নামক উদ্যোগের আওতায় প্রথম নবায়ন প্রকল্প, যেটি আলবানি ও কিংসটনের মধ্যবর্তী অংশের হাডসন নদীর বন্য অংশে জনসাধারণের অ্যাক্সেস ও স্থিতিশীলতা উন্নত করা এবং এই অঞ্চলের জলাভূমির কাছাকাছি থাকা কমিউনিটিগুলোর সঙ্গে সংযোগ বৃদ্ধি করার একটি উদ্যোগ।

"মেমোরিয়াল ডে উইকএন্ডের জন্য যথাসময়ে নতুন সংস্কার হওয়া কক্সস্যাঙ্কি স্টেট বোট লঞ্চ ও রিভারসাইড পার্ক নিউ ইয়র্কবাসীদের জন্য ঘরের বাইরের চমৎকার পরিবেশে গ্রীষ্মের মৌসুম শুরু করার নিখুঁত সুযোগ করে দিয়েছে," বলেছেন গভর্নর হোকল। "আমাদের স্টেট পার্ক, ট্রেইল ও বোট লঞ্চগুলো নিউ ইয়র্কের অভিজ্ঞতার অত্যন্ত গুরুত্বপূর্ণ অংশ, এবং আমার প্রশাসন আমাদের পার্ক সিস্টেমকে গড়ে তোলা অসংখ্য চমৎকার রত্নের জন্য বিনিয়োগ করা অব্যাহত রাখবে।"

সাইটের উন্নয়ন কাজের মধ্যে রয়েছে:

- সাপ্তাহিক কৃষকদের বাজার এবং অন্যান্য বিশেষ অনুষ্ঠান আয়োজনের জন্য নতুন উন্মুক্ত প্যাভিলিয়ন।
- সাইটজুড়ে নতুন গাছপালা, ল্যান্ডস্কেপ স্থাপন ও বসার ব্যবস্থা।

- জলাভূমি অঞ্চল ও ডাউনটাউনের মধ্যে বাইকে ও পায়ে হেঁটে চলাচলের উন্নত সংযোগ ব্যবস্থা, এবং সেইসাথে সাইটজুড়ে পথচারী চলাচল উন্নত করতে নতুন সাইডওয়াক।
- নৌকা দিয়ে চলাচলকারীদের জন্য জলাশয়ের দিকে মুখ করা সাইট শনাক্তকরণের সাইন সহ স্বাগত জানানো, পথ খুঁজে নেওয়ার, এবং দিক নির্দেশকারী নতুন সাইনের পাশাপাশি ব্যাখ্যামূলক সাইন এবং স্থানীয় ইতিহাস তুলে ধরার জন্য সাইটের অন্যান্য উপাদান এবং হাডসন নদীর পরিবেশ পুনরুদ্ধার।
- বাস্কেটবল কোর্ট সংস্কার

বোট লঞ্চের উন্নয়ন কাজগুলোর মধ্যে রয়েছে লঞ্চিং সহজ করার জন্য নতুন ভাসমান গ্যাংওয়ে ও ডক, ADA-কমপ্লায়েন্ট একটি নতুন কায়াক লঞ্চ, এবং ট্রানজিয়েন্ট বোটরদের জন্য বেঁধে রাখার বাড়তি জায়গা।

পরিবেশের উন্নয়নের মধ্যে রয়েছে জলজ আগ্রাসী প্রজাতির বিস্তার কমানোর জন্য একটি নতুন বোট ওয়াশ স্টেশন, বৃষ্টির পানি নিয়ন্ত্রণের জন্য একটি রেইন গার্ডেন, বিদ্যুতিক যানবাহনের জন্য চার্জিং স্টেশন, এবং LED লাইটিং মেরামত।

হাডসন ইগলস রিক্রিয়েশন এরিয়া জলপথের অ্যাক্সেস ও অভিজ্ঞতা উন্নত করার প্রতি জোর দিচ্ছে। এই উদ্যোগের আওতায় চারটি বাড়তি স্টেট বোট ফ্যাসিলিটি - স্কডাক আইল্যান্ড স্টেট (Schodack Island State Park), ক্রেইলো স্টেট হিস্টোরিক সাইট (Crailo State Historic Site), অ্যাথেন্স স্টেট বোট লঞ্চ (Athens State Boat Launch), ও হাডসন স্টেট বোট লঞ্চ (Hudson State Boat Launch) - আপগ্রেড করে নৌকা চালানো, মাছ শিকার, ও বন্যপ্রাণী পর্যবেক্ষণের অ্যাক্সেস সম্প্রসারণ করা হবে।

পকেট পার্ক সুযোগ-সুবিধাগুলোও যোগ করা হবে, যেমন পিকনিক এরিয়া, গ্যাঙ্গেবো, পর্যাপ্ত বসার ব্যবস্থা, এবং নিকটস্থ স্থানীয় সুযোগ-সুবিধা সম্পর্কে সাইন রাখা হবে। সাইটগুলো শেয়ারকৃত ব্র্যান্ডিং, শিক্ষামূলক উপকরণ ও ওয়েবসাইটের সাথে সংযুক্ত থাকবে। 2022 সালের নভেম্বরে ভোটরদের দ্বারা অনুমোদিত হলে, 4.2 বিলিয়ন ডলারের নির্মল পানি, নির্মল বায়ু, ও সবুজ কর্মসংস্থান পরিবেশ সংক্রান্ত বন্ড আইন (Clean Water, Clean Air, and Green Jobs Environmental Bond Act) অধিকতর উন্নয়নের জন্য তহবিল সরবরাহ করবে।

স্টেট পার্কস কমিশনার এরিক কুলেসেইড বলেন, "নতুন ও উন্নত কল্পস্যাঁকি বোট লঞ্চ হাডসন নদীর সঙ্গে কমিউনিটিগুলোর আরো ভালো সংযোগ তৈরির জন্য একটি অসাধারণ ব্লুপ্রিন্ট। হাডসন ইগলস রিক্রিয়েশন এরিয়া হাডসন নদীতে এই অর্জনকে আরো সামনে এগিয়ে নিয়ে যাবে। পার্ক ও খোলা জায়গা উন্নত করা এবং আমাদের পরিবেশ সুরক্ষিত রাখার জন্য এই গুরুত্বপূর্ণ কাজটি এগিয়ে নেওয়ায় আমি গভর্নর হোকলের প্রশংসা করি।"

স্টেট সিনেটর মিশেল হিনচি বলেন, "গ্রিন কাউন্টি আপস্টেট নিউ ইয়র্কের সবচেয়ে সুন্দর এলাকাগুলোর মধ্যে একটি, এবং নতুন করে সংস্কারকৃত কক্সস্যাঙ্কি বোট লঞ্চ ও রিভারসাইড পার্ক ঘরের বাইরে চিত্তবিনোদন এবং পরিবেশ সংরক্ষণের পাশাপাশি আমাদের স্থানীয় ব্যবসায়িক কমিউনিটির সঙ্গে মজবুত বন্ধন রক্ষাকারী একটি হাব হিসেবে আমাদের অঞ্চলকে সমৃদ্ধ করা অব্যাহত রাখবে। গ্রিন কাউন্টি যে পর্যায়ের বিনিয়োগ পাওয়ার অধিকার রাখে তা নিশ্চিত করার জন্য আমি সবসময় কাজ করে যাবো, এবং আগামী বছরগুলোতে আমাদের কমিউনিটির উপভোগের জন্য বহুমুখী ব্যবহার উপযোগী একটি অসাধারণ সবুজ স্থান প্রদানের জন্য এই সংস্কারকাজ সামনে এগিয়ে নেওয়ার জন্য আমি গভর্নর হোকলকে ধন্যবাদ জানাই।"

অ্যাসেম্বলি সদস্য ক্রিস টাণ্ড বলেন, "কক্সস্যাঙ্কি বোট লঞ্চ ও রিভারসাইড পার্কের সংস্কারকাজ সম্পন্ন হওয়া স্থানীয় বাসিন্দাদের জন্য একটি চমৎকার সংবাদ। আমি এই নতুন প্যাভিলিয়নের ব্যাপারে বিশেষভাবে উচ্ছসিত, যেটি আমাদের স্থানীয় কৃষক, হস্তশিল্পী ও ক্ষুদ্র ব্যবসা মালিকদের সেবা পণ্যগুলো প্রদর্শনের জন্য একটি কৃষকদের বাজার আয়োজন করবে। মেমোরিয়াল ডে উইকএন্ডের জন্য যথাসময়ে কার্যক্রম শুরু করতে প্রস্তুত করার জন্য এই সংস্কারকাজকে বাস্তব রূপ দিতে সাহায্যকারী সবাইকে আমি তাদের কঠোর পরিশ্রমের জন্য ধন্যবাদ জানাতে চাই।"

কক্সস্যাঙ্কি ভিলেজের মেয়র মার্ক ইভান্স বলেন, "এই পার্ক উন্নয়নের কাজটি কক্সস্যাঙ্কি ও চারপাশের এলাকার মানুষদের কয়েক প্রজন্ম ধরে প্রভাবিত করতে থাকবে। হাডসন নদীর উপরের অংশে সেরা ওয়াটারফ্রন্ট গড়ে তোলার জন্য আমাদের রূপকল্পটি শেয়ার করার জন্য আমরা গভর্নর হোকল ও স্টেট পার্কসকে ধন্যবাদ জানাই।"

রিভারকিপার পেট্রোল বোটের ক্যাপ্টেন এবং ভাইস প্রেসিডেন্ট ফর অ্যাডভোকেসি জন লিপসকম্ব বলেন, "গভর্নর হোকল ও কমিশনার কুলেসেইডকে ধন্যবাদ। হাডসন ইগলস রিক্রিয়েশন এরিয়া একটি অসাধারণ উদ্যোগ, যেটি আরো দক্ষিণে প্যালিসেডস ইন্টারস্টেট পার্ক (Palisades Interstate Park) তৈরির দিকে নিয়ে যাওয়া এক শতাব্দীর চেয়েও বেশি পুরোনো বৃহৎ রূপকল্পের স্মৃতি বহন করছে। হাডসন ইগলস রিক্রিয়েশন এরিয়া আমাদের ভালোবাসার নদীর জন্য, এবং এর তীরবর্তী কমিউনিটিগুলোর জন্য একটি চমৎকার উপহার। এই পার্ক হাডসন নদীর জন্য এটির প্রয়োজনীয় ও প্রাপ্য স্বীকৃতি, সুরক্ষা, তহবিল ও বণ্যপ্রাণীর আবাসস্থল পুনরুদ্ধার করতে সহায়তা করবে।"

সিনিক হাডসন (Scenic Hudson)-এর এক্সিকিউটিভ ডিরেক্টর অব পলিসি, অ্যাডভোকেসি এন্ড সায়েন্স পিট লোপেজ বলেন, "হাডসন ইগলস রিক্রিয়েশন এরিয়া উদ্যোগটি এগিয়ে নেওয়ার মাধ্যমে কক্সস্যাঙ্কি স্টেট বোট লঞ্চ ও রিভারসাইড পার্কের পুনরুজ্জীবিতকরণ পরিবেশগত দায়িত্বপূর্ণ ব্যবস্থাপনা, অর্থনৈতিক বিনিয়োগ এবং কক্সস্যাঙ্কি ও বিস্তৃত হাডসন ভ্যালি অঞ্চলের মানুষদের জন্য জীবনযাপনের মান সমৃদ্ধ করার সুযোগের একটি গতিময় ও অমোঘ প্রভাব বিস্তারকারী সম্মিলনের প্রতিনিধিত্ব করে। স্থানীয় বাসিন্দাদের জন্য জলাভূমির বর্ধিত অ্যাক্সেসের প্রসার ঘটানো, স্থানীয় কমিউনিটিগুলোকে শক্তিশালী করা, এবং দর্শনার্থীদের জন্য হাডসনের ঐশ্বর্য এবং এই অঞ্চলের সবটুকুর প্রদান করা অভিজ্ঞতা লাভ করার নতুন সুযোগ তৈরির ক্ষেত্রে তাদের নেতৃত্বের জন্য গভর্নর হোকল ও তার প্রশাসন প্রশংসা

পাওয়ার দাবিদার। এমনকি এই অর্জনটি উদযাপন করার এই সময়েও আমরা সবাই আরো বেশি অবদান রাখতে দৃঢ় প্রতিজ্ঞ। এই ভিশনারি উদ্যোগের অংশ হিসেবে অন্য পার্কগুলো উন্নয়নের দায়িত্ব গ্রহণ করাটা নভেম্বর মাসে নির্মল পানি, নির্মল বায়ু ও সবুজ কর্মসংস্থান পরিবেশ সংক্রান্ত বন্ড আইন পাশ হওয়ার উপর নির্ভর করবে।"

কক্সস্যাকি স্টেট বোট লঞ্চ প্রকল্প নিউ ইয়র্ক স্টেটজুড়ে ঘরের বাইরে চিত্তবিনোদনের সুযোগ সম্প্রসারণ ও বৃদ্ধি করার জন্য গভর্নর হোকলের প্রচেষ্টার সঙ্গে যোগ হচ্ছে। 2023 অর্থবছরের জন্য প্রণীত নতুন বাজেটে স্টেট পার্কস এর জন্য বরাদ্দকৃত মূলধনী তহবিলের পরিমাণ 140 মিলিয়ন ডলার বৃদ্ধি করে মোট 250 মিলিয়ন ডলার করা হয়েছে। উল্লেখযোগ্য মাত্রার এই বিনিয়োগ নিউ ইয়র্কের ফ্ল্যাগশিপ পার্কগুলোর চলমান রূপান্তরে সাহায্য করবে এবং পার্কের সিস্টেমজুড়ে গুরুত্বপূর্ণ অবকাঠামো প্রকল্পগুলোকে সহায়তা করবে।

নিউ ইয়র্ক স্টেটের পার্ক, বিনোদন ও ঐতিহাসিক সংরক্ষণ দপ্তর (Office of Parks, Recreation and Historic Preservation) 250টিরও বেশি পার্ক, ঐতিহাসিক স্থান, চিত্তবিনোদনমূলক ট্রেইল, গলফ কোর্স, বোট লঞ্চ ও আরো অনেক কিছুর দেখাশোনা করে, যেগুলোতে বছরে 78 মিলিয়নেরও বেশি দর্শনার্থী ভিজিট করে থাকে।

এসব চিত্তবিনোদনের জায়গার যেকোনোটি সম্পর্কে আরো তথ্যের জন্য www.parks.ny.gov ওয়েবসাইট দেখুন, বিনামূল্যে [NY স্টেট পার্কস এক্সপ্লোরার \(NY State Parks Explorer\)](#) মোবাইল অ্যাপ ডাউনলোড করুন অথবা 518.474.0456 নম্বরে ফোন করুন।
এছাড়াও, [ফেসবুক](#), [ইনস্টাগ্রাম](#) ও [টুইটারে](#) সংযুক্ত হোন।

###

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418